

SECONDA SESSIONE URDINARIA DI U 2022
RIUNIONE DI I 30 E 31 DI MARZU DI
2023

2EME SESSION EXTRAORDINAIRE DE 2022
REUNION DES 30 ET 31 MARS 2023

2023 / O1/022
2023/O1/027
2023/O1/029

**REPONSE DE MONSIEUR LE PRESIDENT DU CONSEIL EXECUTIF A LA QUESTION DEPOSEE
PAR MONSIEUR JEAN-MARTIN MONDOLONI AU NOM DU GROUPE UN SOFFIU NOVU, JEAN
CHRISTOPHE ANGELINI AU NOM DU GROUPE AVANZEMU ET MARIE CLAUDE BRANCA AU
NOM DU GROUPE CORE IN FRONTE**

**Objet : Soutien aux mairies plastiquées / Situation actuelle et attentats visant les
institutions locales / Situazioni è tensioni in Corsica : à quandu una politica nova di
l'executivu di Corsica pa un veru cambiamentu capitu da tutti ?**

Vi ringraziu pè e vtrore quistione.

Pensu chì à situazione attuale ci primureghja à tutte è tutti è ne vogliu per prova chì sò trè gruppi di
sensibilità differente à avè postu sta mane quistione in rilazione cun 'ssi evenimenti

A prima cuncernendu l' incendii chì anu toccu e case cumune d'Àfà è d'Appiettu, dopu quelle chì anu
mintuvatu a situazione glubale chì hè di peghju in peghju. Al di là di 'ssi dui evenimenti a quistione chì
ci tocca à tutti ghjè : chì ci vole à fà è chì ci vole à purtà cum'è risposta di pettu à 'ssa situazione ?

Per piglià e tematiche in l'ordine :

Prima, ciò chì s'hè passatu in Afà è in Appiettu. Cum'è tutti l'eletti di Corsica è cum'è a maiò parte di i Corsi aghju tinutu à à sprime à mo incumpreensione, a mo sulidarità è u mo sustegnu à i merri, à e so squadre municipale è à a pupulazione di sti dui paesi

L'aghju fatta pè scrittu, l'aghju fatta, era di regula è più chè nurmale, chjamendu i dui merri è parecchi di i so aghjunti. À u livellu puliticu è ancu à u livellu umanu, al di là di e nostre sensibilità differente, sò dui merri impignati in a so azzione municipale, chì sò liati assai à i so paesi è chì al di là di a significazione pulitica di ciò chì s'hè passatu, anu suffertu è straziatu d'esse insignati di ditu attraversu st'azzione è n'anu suffertu à livellu persunale.

Dunque aghju scrittu ciò ch'e pinsava. Aghju dettu ciò ch'e pinsava.

Aghju tinutu à andà sopr'à piazza u Sabbatu, è ci aghju scontru parecchi eletti è ghjente di paesi è di sti rughjoni è ci aghju scontru parecchi eletti di a nostra Assemblea è mi pare ch'è no emu tinutu à manifestà di manera publica u nostru sustegnu è à nostra sulidarità.

Què ghjè u primu puntu.

Secondu puntu ghjè ciò ch'emu da fà in seme, subbitu subbitu, di punta à 'sse malfatte, al di là di e nostre manifestazione di a simana scorsa.

Primu affare, emu decisu in seme à l'unanimità, nantu à a vostra pruposta, di suspende i nostri travagli di manera simbolica, per pudè accoglie i merri è u presidente di l'associu di i merri di Corsica suttana.

Tenenu oghje una riunione in una sala ch'appartene à a Cullettività di Corsica, hè dinù di ramintà chì l'eletti, i merri è l'eletti di e cumune sò in casa soia à l'Assemblea di Corsica.

Dopu a so riunione di sta mane emu privistu di incuntralli in cunferenza di i presidenti è avérées l'occasione di discorre è discorre dinù di a vostra pruposta di risuluzione. Òn dubbiteghju micca chì truveremu per dì in cumunu ciò ch'è no ùn vulemu micca pè stu paese è viò ch'e no vulemu.

Terzu puntu, l'aghju detta avà in furia, nant'à sti fatti è di modu generale, ciò chì si passa dipoi parecchie simane, parecchi mesi, tutt'ognunu vede bè di manera precisa chì a situazione hè di pughju in pughju.

Qual'hè daretu à i scritti, storichi di u FlN o quelli dipoi qualchì tempu di sta giuventù corsa. Òn sò micca qual'hè daretu à què. Quale hà messu u focu in Appiettu ùn la sò micca, nè qualesse sò e mutivazione è diceraghju ancu ch'ùn hè micca di circalla.

Invece, ciò ch'e socu hè chì ci vole à mostrà e nostre rispunsabilità è senza piattassi è senza chjode l'ochji. Ci vole à dì chì a situazione pughjurisce, a situazione di blucchime è di difficoltà ecunomiche è suciale, di malessere sucetale, soprattuttu pè a nostra giuventù cunduce oghje à tentazione di vultà à a viulenza è à viulenza clandestina dinù. Saraghju chjaru cum'è sò sempre statu, a vi dicu Jean-Martin, a dicu à i naziunalisti in generale, ancu quelli chì sò in collera, è chì anu e ragiò di esse in collera è a dicu à i Corsi : pensu chì ùn ci hè altra strada chè quella di a demucrazia pè u nostru paese. Possu capi è ancu sparte qualchì volta a collera, u sentimu d'inghjustizia è u sentimu di rivolta. Issi sentimi ci anu accumpagnatu dipoi u veculu, l'inghjustizia di a pulitica di u Statu è di certe malfatte, e cunniscimu da ch'è no simu nati, sicura ch'è no simu in collera, quandu u Tribunale ci impedisce di parlà corsu in casa nostra, sicura ch'è no simu in collera quandu vidimus vende à nostra terra. Dopu à cinquant'anni di lotta, ci hè vultatu ch'è no possimu discorre infine di un statutu d'autunumia, sicura chì ghjè una vergogna ch'è no simu stati trattati dipoi sette anni ma ancu s'ella hè vera ùn m'impidisciarà di dì è ùn mancaraghju di dilla, chì a viulenza clandestina ùn pò esse una risposta à a brama di libertà di u nostru

populu. Simu più anziani chè i giovani, emu cunnisciutu e logiche di a violenza clandestina è sapemu induv'elle portanu.

Al di là di a sincerità è di e qualità di l' omi, sapemu chè i fatti d'oghje ci danu u visu di a Corsica di dumane. Tandu a ripetutu, ùn ci pò esse altra strada chè quella di a pace, di a demucrazia, cun listessa forza è listessa cunvinzione. Torna à ripetela, chè u mezu più sicuru per ch'ella sparisca a violenza, tutte e violenze, in particolare a violenza clandestina. U mezu più sicuru hè d'arradicà a pace, di custruì una suluzione pulitica, di mette in piazza regule chjare, vulsute da a ripresentazione demucratca di a Corsica, per difende a nostra terra, permette à tutti d'avè u so pezzu di terra è di casa.

Ci vole ch'elli ci stianu à sente in Parigi, ch'elli s'ingaghjinu di modu chjaru è sinceru, in stu prucessu principiatu à u mese di marzu scorsu dopu à l'assassiniu d'Yvan Colonna. Ci vole ch'elli stianu à sente u populu corsu di manera chjara è vidarete ch'ùn ci sarà più piazza pè a clandestinità.

Ùn ne vulemu più di mamme davanti à i cummissariati, di giovani in prigiò, à u tribunale, i strazii, l'arme, e lacrime è u sangue, ùn ne vulemu più.

Vulemu chè u nostru populu possi campà in dignità è libaru.

A ringraziavi !